

嶺海輿圖



嶺海輿圖

欽定四庫全書提要

嶺海輿圖一卷明姚虞撰虞字澤山莆田人嘉靖壬辰進士官至淮安府知府是編乃其官監察御史時巡按廣東所作凡爲圖十有二首爲全省圖次十府十圖終以南夷圖圖各有敘敘之例首述沿革形勢利病次州縣次戶口次田糧課稅次官兵馬匹其總圖則首以職官以布政按察二司分統之蓋其時撫按皆爲使臣尙未定爲守土官也其南夷諸國列通貢者於前而通市者亦附後爲海防之計不論其奉朔否也大旨略於前代而詳於當代略於山川而詳於扼塞略於職官而詳於兵馬錢糧略於文事而詳於武備於志乘之中別爲

嶺海輿圖提要

體例然較之侈山水誇人物輯詩文者其有用無用則迥殊矣意古者輿圖不過如是後來者踵事增華失其本耳前有嘉靖壬寅湛若水序極稱之錢曾讀書敏求記亦稱其簡而要云

嶺海輿圖序

甘泉子曰以予觀於嶺海輿圖而知王政之易易也夫嶺海輿圖何爲者也明心也昭制也明心也者以言乎其致善也昭制也者以言乎其行法也吾于嶺海輿圖之編也而知澤山姚侍御之善於巡廣之政之要也故以千言之博泛濫而寡要不若一圖之約目擊而意全有序有紀皆所以明圖也是故觀斯圖者其愛民憂國之心油然而生矣雖欲勿善得乎其大綱小紀之制昭然而見矣雖欲勿法得乎故澤山子本孟氏而言曰徒善不足以爲政徒法不能以自行一以治善一以治法法善兼全政治畢舉故曰以予觀於是圖而知王政之易易也吾於是編之簡約也而知澤山侍御之善於

嶺海輿圖序

巡廣之政之要也人謂澤山公發奸摘伏如神者非以是耶考圖撫景自布按都三司而府而州而縣而衛所而合屬稗官某也賢某也否而懲勸焉則其職官率屬信民之政舉之矣入觀其疆而考其山川而物產而田里而戶口而錢糧課稅之贏縮而振作焉則其足食之政舉之矣觀其府州縣之官兵而考軍人民壯之消長馬匹器械之張弛而修舉焉則其足兵之政舉之矣於制森然於心惕然而善法具備本末兼該內聖外王之道舉之矣雖以措之天下傳之後世其可也獨嶺海云乎哉是故觀言不如觀圖觀圖不如觀意故曰書不盡言圖不盡意以意盡圖以圖盡言後之君子當以是觀西村胡郡守鳳存心善政贊美斯圖請梓以廣其傳乃俾

陳司訓大章走甘泉之野請序其意於簡端云嘉靖壬寅季
秋四日賜進士出身資政大夫前南京兵部尚書奉勅參贊
機務國子祭酒翰林侍讀同修國史經筵講官增城湛若水
元明書

嶺海輿圖序

嶺海輿圖原序

有一鄉之政有一國之政有天下之政有一時之政有一代之政有千萬世之政政者正也正已以正人也作用岐途古今異尚久暫殊功心一而已子孟子涵泳聖涯抱道不辰藐一鄉一國天下之士而尚論焉誦詩讀書必求知其人七篇之說仁義道德藹如也其論政則曰有其心無其政是謂徒善有其政無其心是謂徒法徒善不足以爲政徒法不能以自行於戲盡之矣豪傑之士守而勿替措諸當世往往有大過人者先天下之憂而憂有本者如是苟亦徒法其曷以臻茲總總黔首孰匪同胞故君子雖棲遲畎畝恒志在天下國家樂堯舜之道將以唐虞斯世不肯自隘且自私焉矧旣委

嶺海輿圖原序

三

質官箴以人事君蹇謬匪躬分也又矧厥監使一方慘舒攸繫引養引恬保合其民而容蓄之每懷靡及周爰咨諏皇華王命若是其重雖假寐有弗違者疇非此心之運昔者宣公陸子嘗告德宗矣曰五術省風俗八計聽吏治三科登俊又四賦經財實六治保罷察五要簡官事經濟莫備焉斯一國一代之政推諸天下後世無弗準矣夫此六者皆羽翼孟氏鑿鑿可行贊其天下士哉顧爲政在人事豫迺立有宣公之策無文正之憂徒法也有文正之憂無宣公之策徒善也徒法則渙渙則民弗從徒善則執執則民弗喻二者得失相因故君子懷古慨今與其渙也寧執予按廣今茲且暮年所謂民隱吏治梳之爬之以求仰荅皇上惓惓斯民之念少道涓

埃一之責惟時家室溱溱歲無荒厲蠡田鱗窟蕉林荔浦
聖化所被逖哉均矣過河洛而歌禹功有遐思焉爰卽所履
考成籍酌時宜作嶺海輿圖凡十有二幅各繫以敘以紀俾
昕夕顧諟以警惕厥衷予何人哉一鄉鰥生一時管見敢曰
一國之政乎又敢以達諸天下後世乎我憂孔疚將毋徒法
爾乎是故甚不得已也迺君子觀象考文沿時揆事神會而
加之意或亦少補於政其視十眉五客輞川愈疾雲漢北風
生熱生寒重輕緩急則自謂有聞因屬胡守鳳梓之以告各
郡之守土者於戲輪轅之飾厚顏于有道者吾知不免諒其
心則幸矣賜同進士出身文林郎巡按廣東監察御史蒲田
姚虞煥

嶺海輿圖原序

凡例諸圖不盈方尺故未盡者載諸序序或遺者載諸
例 紀凡以翼圖也隨事起義有攸繫焉故先之以凡

一 封疆廣袤形勝展促江海源委路道通塞關隘重輕民夷
界限圖紀序互詳焉若山則圖其大者如羅浮庚嶺難枚
舉也五指之類

一 布按二司各道俱詳記於總紀政所出也

一 各府衛首領并儒學司獄司陰陽醫學僧綱道紀司各州
縣所屬印信衙門原有定額通省俱同茲不復贅止書倉
場鹽場遞運所稅課司巡司河泊所水馬驛以其額設不
同難以例見且關係兵食地里者故不可略各州縣有倉
無官者不書
一 戶口田糧屯徵農桑豆麥商稅魚課并雜課各府既詳仍

續海軍圖凡例

五

括其數于總紀以便稽覈其雜課俱不分類但彙計之從
約也

一 前項等數雖各府所屬但總計之其詳則有司存

一 官軍馬匹器械止據額數書之中間贏縮不常難以見在
局之其達官旗目舍皆每年續撥來者原無成額今但錄
其見在者以俟稽查其軍器各衛所俱同額數止總記于
總紀下省文也

一 各印信衙門已于圖中標出後仍紀其總額并轄于某衙
門雖營堡關隘亦然不嫌冗瑣互相考覓也

一 敘紀中于各府衛及合屬印信衙門俱界以方格別省亦
然其山海營堡關隘外國搖黎則界以圓圈別內外也

一民壯弓兵關係地方故特書之

一隘塞關津必詳標于圖以嚴備守其不能盡載者則詳于序序或不及詳者皆有總數表之若廣肇惠潮瓊等府屬縣多者亦每遺之勢也

一各府圖序俱擇其鄉賢名宦流寓人品功業之卓然者表之景賢示勸徵文獻也

一南夷圖止據本朝曾經奉貢及載在祖訓會典者書之其山川境土去廣邈遠皆難悉知今但據舊文附入亦不敢盡信若每歲進貢方物原無額數番船往來一無定期故船課止錄其槩云

一圖序紀所載諸事皆得之一時耳目未必無遺尙賴同志

嶺海輿圖凡例

六

求其所缺於冊外可也

嶺海輿圖

四庫全書原本

明姚虞撰

金山錢熙祚錫之校



嶺海輿圖

一



縣界一千四百二十里

東至福建漳浦縣界一千二百二十五里

東南至惠州府海

縣豐信府州贛至北

東北至江西安遠

化昌至外縣山至南

豐縣治抵大洋海



嶺海總圖

嶺海總圖序

廣東雖古百粵地書載唐堯命羲叔宅南交史稱蒼梧九疑
 韶石皆舜跡所至之地不得為荒服周宣時召穆公虎疆理
 淮濱遂至于南海肆入秦併迺郡邑于歷代幅員寔廣居嶺
 海之間受天地之盡氣丘文莊舊志封疆跨躡海陸會同唐王勃記而
 地靈人傑罔下中州古稱樂土焉北負雄南雄府韶韶州府以臨
 吳江廣楚廣東肩潮潮州府惠惠州府以制甌閩福建高高州府廉廉州府
 門戶西排交交趾之梯航嶺嶺東西兵備嶺南兵備嶺海海道
 副使嶺南兵備嶺外扼黎諸黎夷諸夷之喉舌矧征蠻重兵
 據蒼梧上流舶權鹽徵魚冶諸課之羨頗貸餉之前此真一
 大都今則否矣生齒日繁官輸日重囂訟日滋無經日耗師

西北至大庾嶺界

界一千三百二十里

一千三百二十里

西至廣西蒼梧縣界七百五十里

西南至交趾分茅

圖中計里數

縣俱抵大洋計里數

旅因仍漁獵踵至而游民逐末山海礦冶厲階番舶雲集
復汪洋巉岼峰聚狐潛噪呼羣起剽掠無忌而戎事且弛凡
此民患十郡符合臥榻隱憂噬臍後禍豈獨黎獠夷酋已哉
外馳富饒內實貧困今之廣東益甚有可慨焉者我有官君
子仰藉神祖混一偉功列聖承平之福皇上宵旰南顧為民
任人俾皆梁肉大厦泮魚茲土匪民曷依於戲靖共以無或
素餐覽圖稽序若紀安養生息理亂利弊刑賞攻守思過半
矣司馬公曰有治人無治法君子念之樂土其漸復乎

嶺海輿圖總紀

布政司 嶺南道 嶺東道 嶺西道
按察司 嶺南道 嶺東道 嶺西道
提學道 嶺南道 嶺東道 嶺西道
鹽法道 嶺南道 嶺東道 嶺西道

嶺海輿圖

三

領府十 州七縣六十五 鹽課提舉司二 廣東所屬場十四 海北所屬場九 市舶提舉

司一

都司領衛一十五 屬所一百零五 直隸所九

戶口

官吏軍民匠役校尉力士竈蛋等戶共四十九萬一千三百一十二戶口共二百零二萬零一百一十九口

田糧

官民田地園塘池灣埔港共二十五萬六千七百四頃七十五畝三分

夏稅麥共該正耗稅四千三百九十六石四斗一升六合

九勺七抄各豆共該正耗稅八斗一合一勺色米共該
正耗稅一千六百五十一石二斗四合一勺五抄九撮
八圭六粟五粒

秋糧共該正耗糧一百零一萬一千七百九十八石一斗
四升四合五勺九抄八撮六圭一粟四粒

農桑本色米共三百零七石五斗一升六勺四合六抄

商稅等鈔共六十一萬一千八百零八貫三百八十五文
魚課折色米共三萬五千零一十八石五斗三升三合一
勺一抄

魚膠翎毛銅鐵黃麻等料課共折價銀五百八十四兩九
錢二分一釐九毫七絲二忽

外高州府原止計斤數未
算折價詳在本府紀下

嶺海輿圖

四

廣東鹽課提舉司共稅熟鹽八萬九千二百八十五引零
二百四十五斤六兩三錢六分

海北鹽課提舉司共稅熟鹽一萬三千一百七十五引零
五十九斤八兩

屯糧共一十八萬三千三百九十五石五斗一升一合七
勺一抄五撮

官兵馬疋器械

都司合屬額設官一千八百六十八員旗軍三萬九千七
百七十名見在六百五十四疋

見在達官指揮千百戶鎮撫共一百七十一員總小旗頭
目達舍共七百九十四名

每衛六瓣明襯盔各二十頂齊腰甲二十付角弓五十張
弦一百條破甲鐵箭三千九百七十六枝皮撒袋五十
付腰刀五十把斬馬刀二十把勒甲皮帶二十條虎頭
牌四十面朗機銃管二十把提銃一箇神機螺螄箭各
二百五十枝鈎刀十張眉刀二十張短鎗五十根弩五
十把

每千戶所六瓣明襯盔五頂齊腰甲五付角弓十五張弦
三十條破甲鐵箭八百八十二枝皮撒袋十付腰刀十
把斬馬刀五把勒甲皮帶五條虎頭牌十面朗機銃管
十把提銃一箇神機螺螄箭各一百枝鈎頭刀五張眉
刀十張短鎗二十根弩二十把

嶺海輿圖


五

額編民壯共一萬八千一百一十五名弓兵共六千九百
三十二役

廣 州 府

北至英德縣

南至香山縣




城一百八十里

東至博羅縣二百二十里

東南至大洋

鎮海輿圖

六



嶺海輿圖

七

廣州府圖序

廣州府古揚州南境秦始皇置南海郡趙佗實據之山川緬邈

元南上據石門之隘下瞰扶胥之險長江天塹壁壘完整

國朝為府以下列郡俱同領州一州縣凡十有四

外順德三水從化東莞增城龍門香山包山帶海羣邑羅衛

外郡倚以為重故于此置省會而責亦重焉黃涌白墳

波羅南岡鹿步瀆口已上三營廣海新寧大鵬香山

崖門新會沿海東南戍守之嚴湟川連州古名有陽山連

宋岡星子俱巡司西北叢嶂實湘臨武江華俱湖桂賀縣懷

西平梧咽喉殆亦次之而三水參巨浸之派胥江新會當三

鎮廣韶之中帆檣上下烏合突來樓船屯噶其可緩乎環郡

大洋萬支莫測風濤千里皆盜賊淵藪英英德縣陽山之交

移山籍火民徭糶居水陸恒病故清遠慶安東莞各轄以兵

憲重臣其勢均也然兵食相須官民一體番番禺南海邑若獨

大而當省會民亦獨勞曷以節之東莞增城順德會新會僅充

歲用曷以贏之香山清遠而下疲亦久矣曷以舒之均之惟

茲陶晉桓公侃廣州刺史宋唐宰相璟唐昌黎公向宋丞相敏中知廣州甘棠

冉冉濂溪時為南軒隨父寓遠流道澤而清獻宋丞相崔與之增城人

所謂諸賢寬得一分則民受一分之賜仰止羣哲典刑伊邇

尚亦鑒哉

廣州府圖紀

領州一縣十二稅課司永豐倉各一遞運所二各州縣巡檢司四十九倉十水馬驛一十八河泊所八

嶺海輿圖

八

戶口

戶一十八萬七千九百六十八口五十九萬八千四百九

十

田糧課稅

官民田地山塘灣八萬五千四百四十七頃五十一畝一

分六釐八毫七忽

夏稅葦八斗一合二勺米八百七十七石七斗七升五合八

勺

稅糧米三十一萬二千四百九十一石五斗五升五合八

勺

農桑本色米二十一石六斗七升四合

商稅等鈔二十六萬一千四百六十六貫一百三十六文
魚課折色米一萬一千零四十三石六斗五合五勺零
魚膠熟鐵翎毛共折價銀一百零七兩四錢九分七釐一
毫一絲五忽

廣州左衛合屬屯田額徵二百頃三十三畝零細糧五千
五百五十六石八斗七升四合八勺

右衛合屬屯田額徵三百四十六頃五十九畝八分零細
糧一萬零三百四十二石零二升六合七勺三抄八撮
前衛合屬屯田額徵三百四十四頃七十二畝三分零細
糧九百九十五石一斗八升八合四勺一抄

後衛合屬屯田額徵二百四十六頃四十畝細糧七千三

嶺海輿圖

九

百三十五石零八升三合七勺六抄七撮

南海衛合屬屯田額徵二百六十八頃八十畝細糧八千
零五十四石

廣海衛合屬屯田額徵二百二十二頃九十六畝細糧一
萬二千七百六十八石

清遠衛合屬屯田額徵細糧六千八百六十九石五斗一

升九合八勺

此條似脫
頃畝數目

增城所屯田額徵八十一頃細糧二千九百五十八石
從化所屯田額徵一百零三頃六十畝零細糧六千七百
二十石

新會所屯田額徵六十三頃六十畝細糧二千零一十六

石

官兵馬疋

廣州左衛額設各官共八十四員旗軍一千三百四十六名馬八疋

右衛額設各官共八十四員旗軍一千七百七十六名馬八疋

前衛額設各官共八十四員旗軍一千五百三十一名馬十九疋

後衛額設各官共八十四員旗軍一千三百一十七名馬八疋

南海衛額設各官共六十九員旗軍一千五百五十四名

嶺海輿圖

馬一十七疋

東莞大鵬二所額設各官共三十員旗軍六百二十四名馬十疋

廣海衛額設各官共六十九員旗軍二千三百八十三名馬十疋

新寧香山海朗三所額設各官共四十五員旗軍七百七十名馬無

清遠衛額設各官共八十四員旗軍六百四十五名馬三十三疋

增城所額設各官一十五員旗軍七百五十六名馬十一疋

直隸都司

從化所額設各官一十五員旗軍三百七十五名馬無直隸

都司

新會所額設各官一十五員旗軍六百七十九名馬二疋

直隸都司

廣州四衛達官旗目舍共三百七十六員名

民壯四千八百四十四名弓兵二千三百五十五役

嶺海輿圖

十二



韶州府


北抵湖廣郴州 東抵南雄府始興縣界一百五十里

界二百七十里

東抵南雄府始興縣界一百五十里

東南抵惠州府

南抵廣州府 西抵梧州府



嶺海輿圖

韶州府圖序

韶州府本南海郡地漢平粵隸于荆湖廣之桂陽郡桂陽州府屬自吳歷梁俱楚疆隋罷郡始以其地還屬番州唐武德中初置韶州附以四邑五季而上其地屢叛宋元迺定國朝為府降英州英德舊名為縣歸始興于南雄領縣凡六曲江附郭英德翁源樂昌乳源仁據廣上游北嶺峭峻南谷平易唐徐浩張文獻公碑控扼五嶺韶為交衝唇齒江江西湖廣咽喉交南安廣二廣宋余靖條州衙記亦重地也浚英德古名之南蔓延猺崗樂樂昌仁化則逼境彬湖廣彬州桂桂陽勢不兩轄而茂林層巒流賊常擾編氓亦彼此構隙不時迺湘韶之通患故兩鎮兵備湖南則駐于郴陽嶺南則駐于清遠曲江雖曰附郭猺山密邇皆腹心後疾翁源僻在東南二巡

司在山了居扼塞之區六關隘圖略當異境之會英樂乳仁

皆不建兵署所籍以外禦者弓兵各巡司營卒而已豈恃萬

人城以內固乎英德滇山有趙陀所築萬人城遺址抑役民于農而專生財計

乎不可恃者章章徵矣所謂生財吾亦惑焉六邑惟曲英差

豐餘則漸做田弗冀農之下也喪必宴奢之薄也乳源豪商

人江西蠶食既久迺有客強主弱之諺之數者奚其富惟茲金

鑑有堂府治西宋取唐相張九齡千秋金鑑錄因建家山有墓府城西有宋尚書

人江魏魏百粵嶺海同長監門宋鄭俠以上流廷丞宋呂祖儉

韓侂胄安忠國之風餘馨尚播文不在茲乎

韶州府圖紀

領縣六倉一河泊所一巡司十四水馬驛六

嶺海輿圖

三

戶口

戶一萬七千九百三十四口九萬六百五十八

田糧課稅

官學軍餉輕濟民僧田地山塘一萬一千五百九十頃三

十二畝六分九釐七絲三忽

夏稅絲折米一十石一斗一升三合麥二百三十二石三

斗九升八合六勺

秋糧米五萬七百八十六石八斗六升一勺六抄六撮四

圭二粟二粒

農桑本色米三十石九斗一升五合五勺

商稅等鈔八萬五千三百九十九貫八百五十二文

魚課折色米二千四百零六石三斗八合三勺
 黃麻魚線膠熟鐵共折價銀七十八兩八錢三分九釐九毫

韶州所屯田實徵八十頃細糧二千五十二石

官兵馬疋

韶州所額設各官一十五員旗軍三百七十三名馬無直隸

都司

民壯一千七百五十名弓兵五百八十役

嶺海輿圖

十四



隘堠斥未嚴唇齒固不得偏安也紅梅百順平田俱隸保昌黃塘

清化俱隸始興數巡司已不講訓練又況一所南雄千戶所官軍老羸

並計數隊止矣皆久玩無事戈塵甲座以屯餉為騙局聚正

分奇盲盲胡知且以一郡才領二叢邑提封廣袤僅四百里

夏秋公租不過三萬有奇未當江南一縣之饒而送往迎來

為東廣九郡傳郵但幸權料一線之利存焉耳省城番舶不

通將安以支兵食內憂雄實為甚然則奈何傳曰備預不虞

國之善經又曰常形人不形于人

南雄府圖紀

領縣二一遞運所一稅課司一倉

戶口

嶺海輿圖

戶八千二百九十七口二萬四千六百九十九

田糧課稅

官民僧道田地山塘九千五百二十一頃四十三畝九分

七釐八毫六絲九忽四微七塵

夏稅米四十四石八斗五升四合一勺

秋糧米三萬四千八百八十四石五斗六升六勺

農桑本色米八十石

商稅等鈔一萬七千六百二十六貫一百四十七文

魚課折色米二百零六石四升五合八勺九抄

生銅魚膠翎毛共折價銀八兩二錢零八釐九毫

南雄所屯糧二千九百四十八石五斗九升九合八勺

官兵馬疋

南雄所額設官一十五員旗軍三百六十名馬一疋
民壯四百六十六名弓兵二百五十役

直隸都司

嶺海輿圖

七





嶺海輿圖

惠州府圖序

惠州府故南海郡地歷代相沿梁始置梁化郡隋罷郡為循
 州省龍川入河源復改龍川郡隨改海豐郡又復為循州南
 漢徙循州治于龍川而于舊地置禎州即今歸善宋以州名避仁
 宗諱改惠州國朝為府領縣七河源龍川長樂興寧正德間
 增置和平十三年南贛巡撫都御史王守仁平龍川剽頭賊奏立鼓角山名導其前羅浮
 山擁其後漢之名部越之沃野宋余靖普安寺記東抵潮西連廣北
 接贛南極于海惠大記廣袤幾千里提封次于瓊廣河河源龍川
 長興長興和平各居郡上游峩峩峒絡繹多潛不軌興寧龍川
 則比肩南贛曩于閩餘地五新邑以斷北臂職此故耳五邑
 礦民歸善河源龍川長樂海豐類多異省逋徒糾合土著嘯聚登隴斷以

規利贏則買縮則寇往年作耗雖竟撲滅禍根未芟故長吏不得已有封礦之議欲塞利孔拔民罪梯見損忘益勢而已矣惟博羅人稠地瘠民復惰淫每稱難治海豐差饒可逃菜色第東南濱海碣石衛俱東南捷勝在衛南平海在縣西南甲子門在衛北皆上俱千戶所皆瞬息生變惠州守備所以劄于衛治龍川之獯皆別地來者聽調輸租主之以土官可無虞矣然自長樂設以兵備漸亦按堵有備無患諒哉念厥小民待哺殷實剜肉補瘡歲無月贍蛋戶請貸悍客江西人易舟傳食辱及妻女市井奸宄黨結束莞貫盈無籍為穿窬謀大家之隙難投所以並鷄豚烟火而罄起者胥棲棲之熒獨先集惟霰故常厘有司者憂惟茲學士之居跨鶴峯城東白鶴峯東坡安置惠州下居于此後因立祠祀之以

嶺海輿圖

九

長瞰江流君子欲考德問業而于文忠遺編以求迺心政其庶幾乎

惠州府圖紀

領縣八倉八巡司十七河泊所三水馬驛十八

戶口

戶二萬三千八十二口一十二萬三千二百二十七

田糧課稅

官民田地山塘二萬八千四百二十八頃六十九畝七分

九釐六毫一絲八忽五微

夏稅米二百四十九石三斗九升二合四勺九抄七撮一圭

四粟二粒

秋糧米六萬六千一百七十七石五斗七升四合八勺四圭八粟二粒

農桑本色米五十八石九斗三升

商稅等鈔四萬一千五百四十二貫二百九十文

魚課折色米二千八百八十石九斗三升九合四勺四抄

魚線膠熟鐵黃麻共折價銀三十兩六錢三分八釐九毫

惠州衛合屬屯田額徵三百八十三頃四十四畝四分細

糧一萬三千七百七十一石五斗五升

碣石衛合屬屯田額徵一百五十九頃八十四畝九分零

細糧一萬六千一百二十八石

官兵馬疋

嶺海輿圖

三

惠州衛并合屬額設各官共八十四員旗軍一千零四十

七名馬五疋

河源龍川長樂三所額設各官共四十五員旗軍六百三

十五名馬七疋

碣石衛并合屬額各官八十四員旗軍一千二百四十五

名馬四十三疋

甲子門海豐捷勝平海四所額設各官六十員旗軍一千

八百八十一名馬三十一疋

民壯二千零六十五名弓兵八百六十役


潮州府

陸路四百里 東抵饒平縣界陸路一百五十里 東南抵本府海門十



陸路四百里 東抵饒平縣界陸路一百五十里 東南抵本府海門十

嶺海輿圖



嶺海輿圖

潮州府圖序

潮州府故南海郡揭陽縣地晉始置義安郡梁為東陽州為瀛州尋復義安隨罷置潮州唐因之南漢析程鄉為敬州宋改敬為梅宣和中析海陽置揭陽是謂三陽國朝為府領縣凡七海陽附郭潮陽揭陽程鄉饒平大埔惠來上二縣近設當閩南西越之界西北接贛汀漳三郡限以高山疊嶂合贛汀漳所出之水會遠州治之東以趨于海內包沃野川原廣衍實廣惠之襟喉嶺東之巨鎮俱本志惟程鄉惟員子嶺通福建江西惟饒平惟柘林澳海賊倭寇常泊盜賊惟惠來惟梅林巢穴神泉瞭望赤沙灣惟大埔之隘凡二十有奇皆山海要區枕吭撫背之防未可一日緩者惟黃崗巡司隸饒平通福建詔安政和峒谷邃險兩地肘掣營壘罔濟議者欲于潮

增設捕盜府倅挈家駐之環以墩戍兼鎮南北而裁饒丞及諸冗員以易之一舉固三得矣若靖海海陽海門潮陽蓬州

南大城饒平東已上又皆跬步海濤所賴以近保三陽遠

衛東嶺者也今亦多士卒止諸本等藝略而水軍之法則疏

以靜制動以佚待勞迺施于多算取勝之後非漫浪倉卒然

者其可忽哉礦場七邑居五惟潮陽利害與惠同搖種種類

頗繁號輦戶斗老與三大姓者盤藍尤桀驁難訓雖有統者

而狼性元悍先幾而慮迺克有終惟茲刺史餘芳唐昌黎公

貶潮州刺史除鱷害山斗峩峩千載一日文山宋丞相文天祥趙宋相鼎梓秦

陸宋丞相秀夫忠貞之氣炯乎日星惟潮過化惟今民力滋

疲四賢靈爽將謂之何哉

嶺海輿圖



潮州府圖紀

領縣七遞運所一倉七巡司十六

戶口

戶八萬九千三百二十二口五十一萬八千七百九十四

田糧課稅

官民僧道竈田地山塘二萬九千二十五頃五十七畝七

分八釐三毫

夏稅麥四千一百六十石一斗五升九合三勺

秋糧米一十六萬三百七十六石五斗六升六合五勺

農桑本色米五十二石四升九合九勺三抄

商稅等鈔五萬八千一百零九貫四百九十文


魚課折色米五千五百二十二石三斗三升七合
 魚膠熟鐵生銅翎毛黃麻共折價銀九十九兩五錢
 潮州衛合屬屯田額徵細糧一萬七千四百七十二石
 官兵馬疋

潮州衛并合屬額設各官共八十四員旗軍九百零五名
 馬七十八疋

蓬州海門靖海大城程鄉五所額設各官共七十五員旗
 軍一千七百五十二名馬六十一疋
 民壯一千八百九十三名弓兵七百四十役

嶺海輿圖

西





嶺海輿圖

肇慶府圖序

肇慶府本漢蒼梧郡高要地劉宋置建綏郡以居交歷齊陳隋唐宋雖建置不一俱為端州元符中以潛邸舊號升興慶軍又改肇慶唐以前皆隸廣西元再更尋復屬廣東國朝為府領州一德慶縣十高要附郭四會新興陽春江高明恩平龍水封川開建上三縣俱隸德慶控江帶山延袤千里本志據全省上游受湘桂林已上游江眾委州邑境內猺峒疊疊棧居陸梁虔劉我民嶺西用武地也東北界于清遠或稍寧戢東南以降雙魚近陽而高高要新興新新興開開建封封川銅陽春陵古名龍水德慶則半西土為獠穴經年固蒂之憂何時則釋嘗稽往牒審時宜凡關隘營堡

尺寸不可失者高要三白坭逕雲恩平三白蒙逕石陽春三

古良錢高明二文隴封川二西河開建一賀縣東安瀧水三

鐵場雲德慶三羅傍綠其恩陽江陽會處鹿園黃為高雷廉瓊

要衝昔固有張幟橫行者若新新興黃三高高各邑險扼雖

多而端溪德慶獨以百計故鎮以守備爰轄外戍復統于參

將署在府治制于兵備署在法蓋密矣議者欲于西山陽春四峒

雲廉參大小平曠之地提兵據其腹心羅傍西去三十里

崗曰下城地廣田腴天險四設欲徙兵署千戶及巡司都城控

之皆長策也迺若變通宜民恩平則時誦舉羸當截新會有

餘以濟燒眉仍節縣驛之費于往返蒼梧諸司或亦小補云

惟茲孝肅宋待制包拯遺愛洽于民獠八賢八賢祠祀唐中

嶺海輿圖

美

尉李紳宋少師劉摯右正言鄒浩學士勸旌久而益振當必
有慕而推諸政者

肇慶府圖紀

領州一縣十倉八巡司二十一河

戶口

戶五萬二千一十六口二十一萬七千一百四十

田糧課稅

官民僧尼道竈田地山塘三萬八千五百一十二頃三十

二畝九分二毫六絲四忽

夏稅麥一百零四石九斗八升六合二勺七抄七撮九圭

三粟

秋糧米一十六萬一千四百八十四石七斗八升一合五
勺一抄六撮二圭六粟

農桑本色米一十五石九斗四升七合三抄

商稅等鈔四萬一千二百三十七貫九百七十一文

魚課折色米三千九百七十二石一斗九升四合

黃麻熟鐵魚膠共折價銀一百二十四兩八錢七分七釐

九毫

肇慶衛合屬屯田額徵細糧一萬八千三百八十石

新興所屯田額徵八十頃二十畝細糧三千三百六十石

陽江所屯田額徵四十八頃九十畝細糧一千四百六十

六石

嶺海輿圖

三

德慶所屯田額徵細糧二千零一十六石

官兵馬疋

肇慶衛并合屬額設各官六十九員旗軍七百九十二名

馬十疋

四會所額設各官十五員旗軍二百五十五名馬無

新興所額設各官十五員旗軍二百四十五名馬無

陽江所額設各官十五員旗軍二百八十一名馬三疋

都司

德慶所額設各官十五員旗軍二百九十名馬無

瀧水所額設各官十五員旗軍三百五十五名馬無

肇慶衛德慶所達官旗目舍共四十員名

民壯二千九百四十九名弓兵一千一百三十七役

嶺海輿圖

天





嶺海輿圖

高州府圖序

元

高州府漢末孫權以合浦之高涼縣置高涼郡梁置高州歷
 隋五代炎宋因革屢異元為之置路隸海北道國朝為府洪
 武八年改為州尋復又以化州及二縣來屬凡領州一縣五
 茂名附郭電白信宜吳州石城二縣俱隸化州土厚而山環遠寰宇記州居三廣之間
 郡據叢山之險經圖東聯肇廣西達雷廉北枕蒼梧南憑溟海
 梁太守李遷仕曾以其地叛自洗氏梁高涼太守憑寶妻後封石龍太夫人祖
 孫馮益高州總管洗孫也立奇功宇迺寢寧惟郡北嶺山充斥直踵于
 西賊焰時張歲為民厲列邑固均信宜尤慘人亡則田墮以
 據池魚林木後殃適在潘州古名之蕭牆故巡司要守則中道
 信直凌祿石城平山林茂名梁家沙州營隘重地茂名則四十有奇

電白則三十有奇化州石城則遠近相半而良化黃海連嗣
七甲天門金岡石村三橋陸觀關塘平定獅子等屯狃峒通
衢我疆域剝床之災也議者欲復高涼舊邑于電白之廢基
以控諸寨衛府城招集狼人士猛于信宜久失之地以耕以
守以攻以恢我舊物復裁三合僻驛之供以募驍勇立墩斥
是或一道焉其寧村吳州地赤水茂名地之墟倭變或生于肘
腋神電衛在電白縣所轄一帶海澳防禦號令兵符重寄尤不當
托之匪人守疏則豐益熾功成而農亦妨詩曰百室盈止婦
子寧止又曰知我如此不如無生古今人情全不隔絕繭絲
保護願吾所以慎之何如耳

高州府圖紀

嶺海輿圖

三

嶺州一縣五

遞運所一倉六巡司
七河泊三水馬驛六

戶口

戶二萬二千八百四十八口八萬六千零六十七

田糧課稅

官民田地山塘一萬四千九百二十九頃二十八畝七分

五釐四毫九絲四忽

夏稅米八十四石七斗二升三合六勺

秋糧米六萬七千九百四十六石三斗八升二合一勺四

抄九撮

農桑本色米三十六石

商稅等鈔二萬六千零五十貫五百五十二文

魚課折色米二千四百二十四石七斗六升八合五勺
 熟鐵八千九百一十三斤八兩六錢魚膠六十四斤五錢
 一分一釐黃麻一千九百八十一斤二錢七分五釐六
 毫

官兵馬疋

神電衛并合屬額設各官六十九員旗軍九百六十八名
 馬二十一疋

高州雙魚信宜陽春寧川五所額設各官共七十五員旗
 軍一千九百二十名馬三十四疋

神電衛達官旗目舍共二十八員名
 民壯六百五十九名弓兵一百九十役

嶺海輿圖

三






嶺海輿圖

廉州府圖序

廉州府古合浦郡吳為珠官郡尋復劉宋置越州郡歷隋梁唐各易置貞觀中改廉州宋改太平軍尋復之元置路我國初為府洪武八年復為州以欽州為縣并合浦靈山石康領之以隸于雷十四年仍歸為府欽仍為州凡領州一州縣三合浦附郭成化間賊破石康遂裁省焉鑿山為城威服蠻獠靈山石康元志山勢起伏州流灣迴為嶺海邊方之壯志寧廣西南橫高州梧州府環拱郡治層巒巨浸遠鎮交南蓋全廣重輕海北扼塞兩有攸寄者故兵備特劄于靈山遠堡增屯于衛北台一州二邑編戶不滿百里夏秋所入總三萬六千常罹海寇伺窺外番之憂獨勞于三嶺南嶺西苟非近裁鎮



三十一



嶺海輿圖

雷州府圖序

雷州府漢置徐聞後屬合浦郡歷齊梁陳始為雷州更合州府復為雷州歷代因之元初置安撫司尋改路立海北道宣慰司轄六路三軍州事國朝為府洪武九年以廣州及四縣來隸後取回領縣三海康附郭徐聞遂溪地濱炎海多平田沃壤有海道可通閩浙三面並海正北枕高州之石城東西兩隅陸程直達寧川千戶所吳永安州東南此三道實策應之地無此則昔水可憂也雷之形勝可險亦可不險焉是故遂溪首當藩屏而湛川潤州俱巡司橫山堡郡樂民千戶所以及四十餘隘之重地所以合衛三道門戶以尊堂室者勿為支撐目前計可也若錦囊徐聞海安徐聞海康海康西已上黑

石清道

俱海康屬

寧海東清

俱徐聞屬已上俱巡司

并齊康

海康古名

徐聞錦囊

之監所以協防環郡海澳以操縱反側子于吾頤指氣使聞
俾不敢游心注盼焉者顧容若世祿鄙夫齷齪玩愒而徒為
囊橐謀哉凡此亡命罔非赤子居重馭輕識蚤圖素長民若
兵者責也詩曰迨天之未陰雨徹彼桑土綢繆牖戶凡此下
民孰敢侮予惟茲西湖之濱郡城西湖上有旌忠祠祀宋丞相寇萊公歲寒脩竹
枯而復青蘋濱嗣之城西南隅有類濱祠祀宋門下侍郎蘇子由二公皆以貶至雷愈布佳
商言其永苾矣乎

雷州府圖紀

領縣三

倉六巡司六河泊所三水馬驛五

戶口

嶺海輿圖

美

戶二萬四千三百九十二口六萬五千九百七十七

田糧課稅

官民田地山塘一萬二千三百四十四頃九十二畝六分

二釐一毫

夏稅米四十五石二斗九升一合三勺八抄八撮

秋糧米四萬六千一百六十九石七斗九升一撮五圭

商稅等鈔二萬一千四百九十八貫一百一十九文

魚課折色米一千三百二十一石二斗二升一合二勺八

抄

魚膠黃麻熟鐵翎毛共折價銀四十三兩一錢三分一釐

七毫

雷州衛屯田額徵三百一十九頃六十畝細糧五千五百六十二石

官兵馬疋


雷州衛并合屬額設各官六十九員旗軍八百九十三名馬十五疋


石城錦囊海安海康樂民五所額設各官共七十五員旗軍一千四百六十九名馬三十八疋

雷州衛達官旗目舍共三十五員名民壯七百五十四名弓兵一百八十役

嶺海輿圖

三





三十八

崗定安允險唯會同文昌四野民村又藉清瀾千戶之衛獨

稱樂土唯儋州獠種雖繁土曠田饒自經大征梗化者七坊

一崗而已領昌化之版籍善黎彌望斥鹵厚儲備邊其良國

哉萬州海山四錯黎無統轄陵水疆域似萬關係猶崖若珠

崖古則黎悍而夥長技負固禦之者推恒勤我兵近雖大定

嘉靖壬寅大司馬蔡公經大舉兵討平之亘古未有然種類生齒履霜之漸不可忘也

故議者于羅活崗欲據以重兵遲以歲月迺置官兵鎮之其

陵水要區之鄰于崖者則界以十字路截其往來竄伏計若

得矣任人為難矧占城暹羅諸番東南對峙時飄風突來瞭

望實難逾駐參將于崖山嘉靖辛丑黎人亂乃設責任有攸兼也感恩

黎眾民稀無城池兵甲恐非長策夫以瓊之沃壤中飽豺狼

嶺海輿圖

三

之吻藩籬稍疏時且厲我抱大志者每欲批穴擣巢使幕南

空庭不戢自焚而為元人之攻取元取黎地極多達時機者必曰勞

來柔誨俾格心向化儕吾赤子而守國初之昭安大率只此

二端然其既也各亦有弊於戲嚴武備馭外番宏綱細目文

莊大學士邱公濬瓊人著大學衍義補之經濟固存執而弗泥變而弗睽可與

從政矣

瓊州府圖紀

領州三縣十遞運所一稅課司一倉七巡司七河泊所七水馬驛十二

戶口

戶五萬五千五百七十五口二十六萬九百五十八

田糧課稅

官民田地山園塘二萬三百一十六頃四十三畝八分三

釐三絲

夏稅米一百五十九石四斗六升四合七勺一抄九撮七圭

秋糧米八萬五千五百二十二石五斗一升九合六勺六

抄九圭五粟

農桑本色米一十二石

商稅等鈔四萬七千二百九十七貫六百五十一文

魚課折色米四千四百四十三石五斗一升九合八勺

魚膠翎毛共折價銀七十七兩八錢五分一釐八毫

海南衛屯田額徵四百九十九頃四十畝細糧一萬四千

嶺海輿圖

罕

九百八十二石

官兵馬疋

海南衛并合屬額設各官共八十四員旗軍一千六百一十名馬三十四疋

清瀾萬州南山儋州昌化崖州六所額設各官共九十員旗軍二千二百六十九名馬一百三十七疋

民壯一千六百八十三名弓兵四百四十役

南 東 興

海 監

界 西 江

福建界



嶺海輿圖

里

地 之 圖



嶺海輿圖

南夷圖序

先民有言地形之有中外如晝之有夜陰之有陽故盛世恒治以不治要在修明內治焉耳古之聖王胥由此選曰食哉惟時柔遠能邇惇德允元而難任人蠻夷率服曰惟德動天無遠弗届曰無怠無荒四夷來王曰明王慎德四夷咸賓故有德者以所樂樂人無德者以所樂樂身睦茲南海諸夷懷德畏威恪謹包茅亦既有年著之祖訓會典撫恤獨至而懋遷有無以資我軍國之需亦未嘗不利王者無外何可絕也顧此編氓自决堤坊罔恤狐兔時或椎髮環耳侏儻人羣鄉導奸利或誘以婦女易以奇貨陳以官司重輕人情好惡凡我虛實皆了然已久往歲寶安之變

正德間佛朗機夷人始稱入貢突入東莞大肆

劫盈耳未遠杞人有憂正在叵測君子不可謂之迂也是故
審敵情占輿地講制馭稽政教廣幅員儲財用綏遠人尊中
國懷方氏恒托寄譯而導使星務俾節鉞不植獻納必嚴以
無愧于卿鄭公或若童貫使遼以爲宋無人者亦懼而勗焉
則是圖也豈曰小補

南夷圖紀

安南國本漢交阯地

語見事紀

中國嘗以爲郡縣宋始爲徼外封

爲國王國朝洪武二年遣使朝貢

其物有金銀器皿熏衣香

線香白絹犀角象牙紙扇船使每至廣永樂中又郡縣之宣
德五年復封爲國王正德十年黎氏滅其臣莫登庸據而有
之貢使不至嘉靖二十年大司馬毛公伯溫蔡公經奉朝命
與師討罪莫登庸懼獻四嶺地請降詔授都統使二品銜銀
印世襲

嶺海輿圖

望

占城國本古越裳氏之界在廣之西南東至海西至瓜哇南

接真臘北連安南東北至廣東舟行順風可半月程至崖州

可七日程周顯德宋開寶中嘗遣使來貢

其物有通犀帶菩

藥孔雀馴象熙寧中令於廣州置驛以歸國朝洪武二年其
主阿答阿者首遣其臣虎都蠻來朝貢其物有象犀象牙犀
角孔雀孔雀尾橘皮抹身香龍腦熏衣香金銀香奇南香土
降香檀香栢香燒碎香花梨木烏木蘇木花藤香蕪蔓番紗
紅印花布油紅綿布白綿布烏綿布圓壁花布花紅邊縵雜
色縵番花子布帕兜羅綿被洗白布泥使回合於廣東布政
司管待十四年復來朝貢成化
末其國王古來嘗至廣州去

暹羅國本暹與羅斛二國在占城南國朝洪武四年其國王

參烈照毘牙遣使臣奈思俚儕刺識悉替等來朝貢進金葉

表

其物有象象牙犀角孔雀尾翠毛龜筒六足龜寶石珊瑚

金界指銅鼓片腦米腦煉腦腦油腦柴檀香速香安息香
黃熟香降真香羅斛香乳香樹香木香烏香丁香阿魏薔薇
水丁皮琬石柴梗藤竭藤黃硫黃沒藥烏爺泥肉豆蔻胡椒

白豆蔻華撥蘇木烏木大楓子苾布油紅布白纏頭布紅撒
哈刺布紅地絞節智布紅杜花頭布紅邊白暗花布乍連化
布烏邊葱白暗花布細棋子花布織人象花文打布西洋布
織花紅絲打布翦絨絲雜色紅花被面織雜絲竹布紅花絲
手中織人象雜色紅文絲縵
使回令於廣東布政司管待

真臘國本扶南屬國東際海西接蒲甘南連加羅希北抵占

城唐武德宋政和中嘗遣使來貢國朝洪武六年其國王忽

兒那遣其臣柰亦吉郎等來貢其物有象象牙蘇木胡椒黃

寶石孔雀翎使回令於廣東布政司管待

瓜哇國古本閣婆國東抵古女人國西抵三佛齊國南抵古

大食國北界占城國宋淳化大觀中嘗遣使朝貢國朝洪武

三年其王昔里八達刺遣其臣八的占必等來朝貢其物有

芟蘇木銅鼓黃蠟烏爺泥金剛子烏木番紅土蕃薇露奇南

嶺海輿圖

器

惹藤竭阿魏蘆薈沒藥大楓子丁皮番木鼈子悶虫藥碗石

華澄茄烏香寶石珍珠錫西洋鐵鐵鎗摺鐵刀苾布油紅布

孔雀火鷄鸚鵡玳瑁孔雀尾翠毛鶴頂犀角象牙龜筒黃熟

香安息香使回令於廣東布政司管待永樂二年復來朝貢

滿刺加國在占城南前代不通中國國朝永樂三年其國王

西刺八兒速刺遣使奉金葉表來朝貢其物有番小犀犀角

黑熊黑猿白鹿鎮祇金母鶴頂金廂戒指撒哈刺白苾布董

黃布撒都細布西洋布花縵片腦梔子花薔薇露沉香乳香

黃速香金銀香降真香紫檀香丁香胡椒血竭烏爹泥象牙

肉荳蔻珠母殼沒石子阿魏窩鉛片腦肉菓馬腦珠丁皮磅

使回令於廣東布政司管待正統間復來朝貢

三佛齊國本南蠻別種在占城南宋建隆初嘗遣使朝貢國

朝洪武四年其國王哈刺札八刺卜遣其臣玉的力馬罕亦

里麻思奉金字表來朝貢其物有黑熊火鷄孔雀五色鸚鵡

椒肉豆蔻香油子米

腦六年復來朝貢

浮泥國本闍婆屬國在西南大海中去闍婆四十五日程去

三佛齊四日程去占城三十日程宋太平興國元豐中嘗

遣使來貢國朝洪武四年其國王馬謨沙遣其臣亦思麻逸

朝貢其物有珍珠寶石金戒指金絲環龍腦梅花腦降香

沉香速香檀香丁香肉荳蔻黃蠟犀角玳瑁龜筒螺殼

鶴熊皮孔雀倒挂鳥五色鸚鵡黑小厮金銀八寶

器永樂六年率其妻子來朝卒於南京會同館

錫蘭山國前代無考國朝正統十年其國王遣其臣耶把刺

謨的里啞等來朝貢其物有寶石珊瑚水晶金戒指撒哈刺

布藤竭蘆薈疏黃烏木胡椒琥珀石使回令於

廣東布政司管待天順三年復遣使來貢

蘇門答刺國前代無考國朝永樂三年其國王鎖丹罕難阿

必鎮遣其臣阿里來朝貢其物有馬犀牛龍涎撒哈刺梭眼

椒蘇木錫水晶瑪瑙番刀弓石青回回

青硫黃使回令於廣東布政司管待

嶺海輿圖

星

大泥國稱隸暹羅助貢國分節年來貿易出產胡椒乳香血

烏丁泥玉泥上檀香蘇木沉香黃檀香藤黃木食子龜筒象

牙打麻番牛角灰筒沉粟香西洋布菱張席寶石華撈珠母

殼明乳香竹布片腦檀香丁香皮烏木玳瑁

急蘭丹國正德四年來貿易出產胡椒烏木丁皮已上二

易故亦存之嘉靖二年禮部照發附本布政司入貢惟暹羅

占城滿刺加瓜哇真蠟五國勘合號簿五扇收候來貢比號

其佛朗機國前此朝貢不與正德十二年自西海突入東莞

縣界守臣通其朝貢厥後劫掠地方乃逐出今不復來廣

州船船出虎頭門始入大洋東洋差近周歲即回西洋差遠

兩歲一回東洋船有鶴頂龜筒玳瑁等物西洋船有象牙犀

角珍珠胡椒等物其貴細者往往滿船若暹國產蘇木地闊

產檀香其餘香貨各國皆有之若沉香有黃沉烏角沉至貴

者蠟沉劑之則卷嚼之則柔皆樹格其根所結惟奇南木乃

沉之生結者犀角有烏犀花犀通天犀復通犀花犀者白地

黑花通天犀黑地白花復通犀則通天犀白地中復有黑花

此皆希世之貴也鶴頂龜筒玳瑁見說可合惟犀角不苛合

故公服以玉與犀為帶貴其不苟合之義也凡舟之來最大

者為獨檣船能載一千婆蘭番人謂三百斤為一婆蘭次曰

牛頭船比獨檣得三之一又次日三木船曰料河泊遞得之
三紹興十七年詔三路船司番商販到龍腦沉香丁香白豆
蕞四色並
抽解一分

嶺海輿圖終

嶺海輿圖

吳

